

22.2.2021_ Harian Metro_MOSTI_Juruterbang bangga diberi Kepercayaan



ANGGOTA keselamatan mengawasi proses pemindahan vaksin



JURUTERBIANG pesawat Airbus 330-300 Kapten Hamdan Che Ismail ketika ditemui di KLIA, semalam. Beliau bertanggungjawab menerbangkan pesawat khas tersebut bagi membawa kumpulan pertama vaksin Covid-19 Pfizer-BioNTech. Vaksin itu berlepas dari Paris, Belgium dan transit di Lapangan Terbang di Jerman lain Leipzig Halle Airport sebelum meneruskan perjalanan ke Singapura untuk pengedaran ke negara Asia Pasifik lain termasuk Malaysia.

Juruterbang bangga diberi kepercayaan

Seperti: "Saya berbangga apabila diberi kepercayaan menerbangkan pesawat membawa kumpulan pertama vaksin Covid-19, sekali gus menjadi sebahagian daripada detik bersejarah yang ditunggu rakyat Malaysia," kata juruterbang pesawat Airbus 330-300, Kapten Hamdan Che Ismail, 49.

Terdahulu, beliau menerbangkan pesawat Malaysia Airlines MH604 membawa 312,390 dos vaksin Covid-19 Pfizer-BioNTech ke Lapangan Terbang Antarabangsa Kuala Lumpur (KLIA) di sini, dari Singapura, semalam.

Hamdan yang mempunyai pengalaman selama 29 tahun sebagai juruterbang berkata, beliau dimaklumkan mengenai tugas penting berkenaan oleh pihak atasan pada minggu lalu.

"Dalam penerbangan ini, saya dibantu Kapten Mohd Samsudin

Mohd Mustafa bersama dua anak kapal, seorang juruteknik serta seorang senior manager Maskargo sebelum berlepas dari KLIA ke Singapura jam 6 pagi tadi (semalam).

"Kami tiba di Singapura jam 7 pagi sebelum kerja pemindahan vaksin dilakukan ke dalam pesawat dan berlepas dari negara itu jam 9 pagi (semalam)," katanya ketika dihubungi, semalam.

Hamdan yang berasal dari Tumpat berkata, tiada persiapan khusus dilakukan untuk menerbangkan pesawat itu, tetapi perlu memastikan suhu bersesuaian dikekalkan agar tidak menjejaskan vaksin yang dibawa dalam penerbangan selama satu jam itu.

"Bila fikir ada vaksin Covid-19 dalam pesawat memang ada terfikir takut ia (vaksin) rosak. Alhamdulillah, selamat sampai (di KLIA)," katanya.